

( در سعادت ارفقی بطریقك صورت انتخابی بیانده در )

برنجی ماده در سعادت بطریق انتخاب اوله جق ذات بالجه ملت مجلسلرینك ریاستنی وقوه اجراییه سنی حائز اوله رقی احوال مخصوصه ده دولت علیه نك واسطه تنفیذ احکامی اولدیغندن عموم ملتك امنیت واعتبارینی جالب اولقی ایچون هرجهتله بومقامه لایق اوله جق اوصاف وحبیث ایله متصف واز قدیم بطریقك مخصوص اولان پستپوسلرک صنفندن بولنمسیله برابر دولت علیه نك دخی امنیت کامله سنه شایان ذواتدن ولااقل پذیردنبرو اصل تبعه دولت علیه دن بولنمسی واونوزبش یاشنی تکمیل ایتمش اولمسی لازمدر

ایکنجی ماده بطریقك وفاتی واسته قاسی جهتیله ویاخود اسباب سألرجه مبنی بطریقك مقامك حلی وقوعنده روحانی وجسمانی مجلسلری براشدرک قائم مقاملک ایتمک اوزره برذاته قرار ووروب تصریفنی باب عالیدن استدعا ایدر در سعادت بطریق مجلس عمومیده انتخاب اولنور فقط روحانی وجسمانی مجلسلرینك انتخاب اولنان ذواتك درجه استحقاقلری حقتده برقطعه اسامی دفتری تنظیمه بیان رأی ایتمکه حققری وارد امر انتخاب بوجه آتی اجرا قنور شویله که اول امرده بطریق قائم مقامی ممالک محروسه شاهانه ده بولنان بالجه پستپوسلرک اسامیسنی حاوی برقطعه دفتر ترتیبیه بونلرک برنجی ماده موجبجه انتخاب اولنمعه جهت استحقاقلرینی هر برینك اسمنك اوکنه اشارت ودفتر مذکور مجلس روحانی به ابراز ایدر و بومجلس طرفندن مجلس عمومی روحانی دعوت اولنور رقی رأی خنی ایله بوجه آتی برقطعه اسامی دفتری ترتیب اولنور مجلس مذکور اعضاسندن هر بری روحانیجه شایان قبول عد ایندیکی پستپوسلرک اسامیسنی برکاغد اوزرینه تحریر ایتدکن صکره تعداد رأی اولنور رقی اسامی محرز هر برینه اصابت ایتمش اولان رأیلرک کترتنه کوره صره ایله بر دفتر مخصوصه درج اولنور اشبو دفتر قائم مقام مومی الیه طرفندن مجلس جسمانی به ابراز اولنوب بومجلس دخی دفتر مذکورده اسامیسنی مندرج اولان ذواتك جسمانیجه درجه قابلیتلرینی بعد التحقیق الك زیاده استحقاقی اولنوردن بطریق انتخاب اولنوب بلك اوزره اکثریت آرا ایله بوش نفرینی تفریق وتعیین و بودفتری مجلس عمومی به ابراز ایدر مجلس عمومی روحانیك ترتیب ایتمش اولدیغنی دفتر دخی ملت مجلس

﴿ عمومیسنده ﴾

عمومیستنده دیواره آصیله جق اولدیغندن مجلس عمومی بطریق انتخابه اقتدار و صلاحیتی اولان ایکی مجلسک دخی انتخاب اولننبله جک ذواتک کرک روحانی و کرک جسمانیجه اولان قابلیتلی حقنده رأینه مطلع اولهرق بطریق رأی خنی و اکثریت مطلقه آرا ایله انتخاب ایدر مجلس عمومیستنده مجلس جسمانی طرفندن ابراز اولنان دفترک خارجنده اولان برذات حقنده دخی اعطای رأی اولنه ییلور ایسهده مجلس عمومی روحانی طرفندن ترتیب قلمش اولان دفترده اسمی مندرج اولیان ذواتک انتخابی جائز اوله میه جغندن اول ذاتک اسمک دفتر مذکورده محرر اومسی لازم کلور اکثریت مطلقه آرا ایلك دفعه اولاده حصوله کلدی یکی تقدیرده حقننده الك زیاده رأی اصابت ایتمش اولان ایکی ذاتک اسملی قائم مقام مومی ایله طرفندن مجلس عمومی اعضاستنه ییلدی ییلور و دفعه ثانیده بو ایکی ذات حقنده نظاما اعطای رأی اولنور ایکنجی دفعه رأی اعطاستنده حاضر بولنه میان ملت و کیلاری رأیلرینی قائم مقام مومی ایلهه و یاخود مجلس عمومی قلم رئیسنه خطابا کوندره جکلری برقطعه مهور و ممضی مکتوب ایله مجلس مذکورده تبلیغ ایده ییلور رأی کاغذلی مخصوص برصندوقهیه وضع اولندقدن صکره اعطا اولنان رأیلر مجلس عمومی قلمی معرفتیه درت نفری اهل کلباسدن و دردی عواهدن اولوق اوزره مجلس مذکور ایچندن انتخاب اولنان سکرز کشی مواجهه سنده تعداد اولنور ایکنجی دفعه ده ایکی کشییه مساوات اوزره رأی اصابت ایلدیکی تقدیرده بونلردن پری قرعه کشیده سیله انتخاب اولنور

اوچنجی ماده امر انتخاب رسیده خنام اولدوقده برقطعه محضر قلمه آلهرق حاضر مجلس طرفندن امضا و قائم مقام مومی ایله واسطه سیله باب عالییه تقدیم قننور و از قدیم اوله کلدیکی وجهله اراده سنیهیه توافقی ایلدیکی حالده بطریق نصب و تعیین قننور

دردنجی ماده بطریق نصب اولنان ذاته در سعادتده بولندیغی تقدیرده مجلس عمومی طرفندن برقاچ ذات و طشرده ایسه مخصوص دعوتنجی واسطه سیله دعوتنامه کوندر ییلور بطریق اشبو دعوتنامه بی آوبده بطریق خانهیه کلدکده باش کلباسیه عزیمتله مجلس عمومی حاضر بولندیغی حالده دوات و نتیجه ایفای صداقت و ملت نظامنامه سنک تمامی اجرا سنه صحیحاً صرف افطار دقت ایلکی حضور ربانیده و مجلس ملت مواجهه سنده علنا

تعهد ایدرم دیورسم قسم علی بی اجرا ایتدیکی حقیننده قائم مقام موھی الیهک مأموریتی رهین ختام اوله رق بطریق مشار الیه باب عالیدن واقع اوله جتی دعوت اوزرینه طوغری حضور همایون جناب پادشاهی به مثل الیه مأموریت رسمیه سی اجرا و باب عالی به کلدرك اعلان قنور بشنجی ماده بطریق نظامنامه سی اساسی احکامنه مغایر وضع و حرکنده بولنسی کندو حقنده نهمت عد اولتور

التنجی ماده بطریق اتهام ایده بیلک صلاحیتی عمومی و یاروحنائی و یاخود جسمانی مجلسلرینه مخصوص اولوب اتهام و یاخود اشتکا ایدن هیئت جانب باب عالیدن بعدالاستیذان بطریقندن مجلس عمومی بی عقد ایتمسی استمداء ایدرو بطریق امتناع ایلدیکی تقدیرده کیفیت بتکرار باب عالی به عرض اولنوب صورت استمداء مو جیجه درسعادتده بولتان بسقبوسلردنک باشلوسنک ریاستی تعینده عقد مجلس عمومی اولنسی جانب باب عالیدن امر و اشعار بیوریلوب مجلس عمومی اتهام و یا اشتکا ایدن کسان مستننا اوله رق کندو ایشندن اولوق و بشی اهل کلیسادن و بشی عوامدن بولنق اوزره اون کشیدن مرکب برتقیس قومیسونی تعیین ایدرو بوقوه بیسونک اتهامات واقعه بی بالتحقیق مجلس مذکوره برقطعه مضبطه اعطا ایلسی اوزرینه کیفیت رأی خنی ایله قرار کیر اولوب اشبو قراری حاوی اولان و اعضای مجلسدن قرار مذکورلنده رأی و یرمش اولنلرک امضاسیله ممضی اولسی لازم کلان ورقه بطریق استعفا سی شامل ایسه ایکی مجلسک قلم ضابطلری بسقبوس ایله برابر بطریق نزدینه عزیمتله ورقه مذکوره بی ابراز ایدرلر و بطریق موھی الیه ملک مراد صریحنه بووجهله مطلع اولدوقده استعفا ایتمکه مجبور اولوب امتناع ایتدیکی تقدیرده باب عالی به لدی العرض عزل اولتور

بدنجی ماده انفصال ایدن بطریق مرخصه بسقبوسلر صنفنه داخل اوله رق حقنده مجلس مختلط طرفندن اصولی و جهله معامله اولتور

### (قرسعادت بطریق وظائف بیاتنده دز)

سکرنجی ماده بطریق وظیفه سی نظامنامه اساسی احکامنه امثالاً حرکت و برده نظامنامه مذکورک کافه مواد متفرعه سنک تمامی اجراسنه دقت و نظارت ایتمک خصوصلردن عبارتدر بطریق کندوسنه کلان ایشلری

بالمذاکره

بالذاکره قرار و بملک اوزره هاند اولدینی مجلسه حواله ایدر و بر مجلسده قرار کبر اولان ماده یه دائر کیندوسنک تقریری و سائر رسمی تحریری او مجلس طرفندن امضا و تمهیر قلمدجه معتبر و معمول به اوله من امانتستجیل بر مصلحت ظهور ایدو بدو رویت و تسویه سی ایچون مجلس کوننه بکلمک و یا خود فوق العاده مجلسی دعوت ایتمک ممکن اوله مزایسه بطریق اولیاده مسؤلیتی در عهده ایدره که خود بچود اجرای ایجابنه قادر ایدسه و وقوع حالی اصولی وجهله قید ایتدیر مکه و تصدیق قلمی اوزره ذکر اولنان مجلسه انعقاد آیتسنده بیان ایتمکه مجبوردر

طهوزنجی ماده بطریق کیندو غیابی اثناسنده ملت مجلسلرنده و بر بلان قرارلی حاوی اوراقی امضا ایتمدن مقدم اول قرارره دائر ملاحظاتی بیان ایله کیفیتیکین رویت ایتدیره بیلور ایدسه لدی الرؤیه تصدیق اولنان قراری نظامنامه اساسی احکامنه مخالف عد ایتمدجه اوراق مذکورینی امضادن امتناع ایده من

اونجی ماده بطریق ورهبان و مکتب خواجه زری ایله کلیسا و مناستر و مکتب و خسته خانه مأمورلرندن خلاف نظامنامه اساسی حرکتده بولنانلرک خدمتدن طردی خصوصنی متعلق اولدینی مجلس و قومیسبونلره تکلیف ایده بیلور

اون برنجی ماده بطریق مجلس روحانی و جسمانی ایله آنلرک تحتنده بولنان قومیسبونلری کیندولکنندن تبدیل و تغییر ایتمکه صلاحیتی بو غیسه ده بولنردن برینک نظامنامه اساسی خلافنده روش و حرکتنی مشاهده ایلدیکی حالده ایلمک دفعه سنده اول مجلس و یا قومیسبونک رئیسلرندن استبضاح ماده ایدر و اینجی دفعه سنده حرکت نامشروه سنی بیان و اخطار ایله محافظه نظامه دعوت و اوچنجی دفعه سنده اگر متهم عد اولنان هیئت ملت مجلسلرندن بری ایسه مجلس عمومی به و اگر قومیسبونلردن بری ایسه مجلس جسمانی به مراجعت و ابراز دلایل ایله بولنلرک تبدیلی تکلیف ایلر

اون اینجی ماده بطریق ملت سند یغندن ماهیه سی اولغله بطریقخانه نک مصارف داخلیه سنی کیندو طرفندن تسویه ایدر  
( بطریق خانه قلمنه داردر )

اون اوچنجی ماده بطریق خانه ده ملجه ایجاب ایدن مجررانه مخصوص

اولئق اوزره بر قلم اوله جقمدر قلم مذکور اوج اوطه به منقسم اولوب بری مکاتبات اوطه سیدرکه بطریق خانه طرفندن ارسال اولنان واورابه ورود ایلان محرات ایله مشغول اولور ایکنجی قید اوطه سیدرکه ملت مجلسی وقومیسینلرینه متعلق اولان اوراق ایله مشغول اولور اوججی تحریر نفوس اوطه سیدرکه ملندن تواد وازدواج ووفات ایدنلرک قیدله مشغول اولور کرک بوجلیقه وکرک معاملات شخصیه دأر اقتضایدن اوراق مصدقه وولادت ووفات وازدواجه دأر شهادتنامه لر بو اوطه دن ویریلور

اون دردنجی ماده بطریق خانه قلمک کافه معاملاتن مسؤل برمدیری اولوب مدیر مومی ایله مجلس جسمانیده انتخاب و بطریق طرفندن نصب وتعیین اولنور و مجلس عمومینک کتاینتی اجرا ایدر وهر سنه درسعادتنه و طشر برده تولد ووفات و تأهل ایدن نفوس دفترینک برقطعه صورتنی جلب ایله بطریق خانه قلمی دفتر عمومیسنه قید ایتدیرمکه مجبوردر مدیر مومی ایله ارمنی لساننده معلومات تامه اصحابندن اولوب ترکیه یه و فرانسزجه یه دخی آشنا اولمیدر

اون بشنجی ماده بطریق خانه قلمک مقدار کافی کتبه سی اولوب بونلرک دخی ارمنی لساننی لایقوله بیللری وهر بری کند و خدمتنده معلومات کاله اصحابندن اوللاری لازمدر بونلر خدمت مخصوصه لری اقتضاسیجه متعلق اولدقلری مجلس وقومیسینلر طرفندن مخصوصا و قلم مدیری طرفندن عموما مسؤلردر

اون النجی ماده تحریر نفوس اوطه سنسندن ویریلان کافه اوراق وشهادتنامه لر بطریق مهوری و قلم مدیرینک امضاسیله تصدیق اولنمش اولئق لازمدر

### ( قدس شریف بطریقنه دأر )

اون بدنجی ماده قدس شریف بطریق ماریعقوب مقامنه قید حیات شرطیه قائم وقدس شریفده کائن ارمنی ملتی زیارتگاهلری مدیری و ماریعقوب مناستری رهبان جماعتنک رییسیدر ووظیفه سی مناستر مذکورک

اصول و نظامنه توفیق حرکت و مواد مرعیه نك حسن اجراسنه صرف  
دقت ایتمکن عبارتدر

اون سکرنجی ماده بطریق مشار البهک سالف الذکر مناستر نظامنه مغایر  
وضع و حرکتده بولنسی کند و حقیقده نهمت عداوانور

اون طقوزنجی ماده بطریق مشار الیه حقیقده یامناستر مذکورک رهبان  
جاعتی و یاخود استابول بطریق خانه سنک روحانی و جسمانی مجلسری  
طرفندن اتهامات وقوعه کله ییلور بویله برحال وقوعنده مجلس عمومی  
ملت اجتماع ایدرک اتهامات واقعہ بی لدی التحقیق اساسی تبین ایدر ایسه  
درسعادت بطریق حقیقده النجی ماده ده بیان اولنان اصوله تطبیقا ایجاب  
حاله کوره یاقدر شریف بطریقنک برقطعه شکایتنامه ایله محافظه نظامه  
دعوت ایدر و یاخود بطریق مقامی سالف الذکر رهبان جاعتی ایچنده  
اوله رق مجلس عمومی، رأی خفی ایله انتخاب اولنان و کیلته تسلیم ایله مقام  
مذکوردن تبعاد ایلمکه اجبار ایلر

یکرمنجی ماده قدس شریف بطریقنک وفاتی ظهورنده مناستر مذکورک  
رهبان جاعتی کندو ایچلرندن بر قائم مقام انتخاب ایدوب درسعادت  
بطریق خانه سی مجلسری طرفندن دخی تصدیق اولنور

یکرمی برنجی ماده قدس شریف بطریق درسعادت بطریق خانه سی  
مجلسری طرفندن انتخاب اولنور فقط قدس شریف رهبان جاعتنک قابل  
انتخاب اولان ذواتک درجه استحقاق لری حقیقده برقطعه اساسی دفتری  
تنظیمیله بیان رأی ایتمکه حتی واردر بطریق مشار البهک وفاتی عقینده  
قائم مقام مومی الیه طرفندن رهابین مجلس عمومی دعوت اولنه رق  
بو مجلس درسعادت بطریق حقیقده مجلس عمومی روحانیده اجرا اولندیغی  
مثلاو برقطعه اساسی دفتری ترتیب ایدر انجق اشبو دفترک لاقل یدی ذوات  
اسامینسی شامل اولسی لازمدر دفتر مذکور جاعت مذکورنک برقطعه  
مضی مضبطه سیله برابر درسعادت بطریق خانه سی جانبنه ارسال قنور

یکرمی ایکنجی ماده بطریق انتخاب اولنه جق ذات لاقل اوتوز بش یاشنی  
تکمیل ایتمش اولوب پدردنبرو تبعه دولت علیبدن و جاعت مذکوره  
بسته پوس و باره بانبرندن بولنسی و جاعت مذکوره دن انفصال ایتمش اولسی

اقتضا ایدر در سعادت بطریق خانه سی مجلساری طرفندن قدس شریف  
بطریقنك موافقتیله نتیجه بر خدمتده قوللائش اولئر جماعت مذکوردهن  
منفصل عد اولئر

یکرمی اوچنجی ماده روحانی و جسمانی مجلساری برلشهرک اسامیسی دفتر  
مذکورده مندرج اولان ذواتک استحقاقلرینی بالتحقیق انتخاب اولته بئلك اوزره  
اوچ نفرینی تفریق و بونلرک اسملرینی مجلس عمومی به ابراز ایدرلر و جماعت  
مذکوره طرفندن وارد اولان دفتر دخی ملت مجلس عمومیستده دیواره  
آصیله جق اولدیغندن مجلس عمومی قابل انتخاب اولان ذوات حقنده کرک  
جماعت مذکوره نك و کرک مذکور ایکی مجلسک رأیلرینه کسب اطلاع  
ایدهرک ذوات هر قومه ایچنده دیانت و معلومات مکتسبه و اطوار حسنه سی  
جهتلیله الکیزاده استحقاقی اولان ذتی رأی خفی و اکثریت مطلقه آرایله  
بطریق انتخاب ایدر مجلس عمومیستده جماعت مذکوره طرفندن کلان دفتر  
خارجنده بولنان بریسی حقنده اعطای رأی اولته میه جقدر

( مجلس روحانی بیائنده در )

یکرمی در دنجی ماده مجلس روحانی اهل کلیسادن و ارباب و قوفندن  
اوله رق اوتوز یاشنی تکمیل ایش و لا اقل بش سنه مقدم راهبک و یا پاپاسلق  
رتیه سنی احراز ایش اولان اون درت نفرندن مر کبدر

یکرمی بشنجی ماده مجلس روحانی اعضاسی عددینک اوچ مثلی مجلس  
عمومی روحانیده رأی ایله انتخاب اولنوب اسملری بر قطعه ممضی مضبطه  
ایله مجلس عمومی ملته ابراز و بونلرک ایچندن مجلس روحانی اعضاسی  
مجلس عمومیستده رأی خفی ایله انتخاب اولندقدن صکره مضبطه سی بطریق  
طرفندن باب عالی به عرض اولنهرق بازارده سنیه نصب و تعیین بیوریلورلر

یکرمی النجی ماده مجلس مذکور اعضاسی هر ایکنجی سنه شهر نیسانک  
غایبنده کاملاً طاعیلوب شهر مایس ابتدا سنده تجدید اولنور انفصال  
ایدن اعضانک همان تکرار انتخابلری جائز اولوب انجق ایکی سنه صکره  
انتخابلری جائزدر

یکرمی یدنجی ماده روحانی مجلس اعضاسندن استهفا وقوعنه و یا خود  
سائر برسیبه مبنی مفقود اولنلرک عدی اوچه باغ اولدقدن بونلرک برینه

﴿ مجلس ﴾

مجلس عمومیہ آخری اعضا انتخاب اولنور و بوتخاب و قوعبولجہیہ  
دکین مجلس مذکورہ تکمیل اعضا مجلس اکثریتی اراابلور

یکرمی سکرنجی مادہ مجلس روحانیک وظائفی ملک امور روحانیہ سنہ  
نظارت واعتقادات مذہبیہی ملجہ ترویج و تحکیم وارمنی کلیسا سنک  
عقائد و روایات مرعیہ سنی اخلاصن محافظہ و کلیسا ایلہ اهل کلیسا سنک  
برحال منظمہ بولنورینہ صرف دقت و طائفہ رهاک کرک احوال  
حاضرہ لرنک اصلاحنہ و کرک احوال مستقلہ لرنک استحصا اسباب  
تأمینیہ سنہ دوام و اقدام و مکاتب ملیہی وقت و وقت معاینہ ایلہ تعلیم مذہب  
خصوصنہ بذل دقت ایلک و اہلیت و قابلیتہ متصف راہب و پاپاسلر  
بشدیرمک و ملجہ تکیون ایدن مسائل مذہبیہی بالتحقیق اصول  
مرعیہ کلیسایہ تطبیقا حل و تسویہ ایتک خصوص لرندن عبارتنر

یکرمی طقوزنجی مادہ مجلس روحانی صرف دیانتہ متعلق ظہور ایدن  
بر مسئلہ مہمہ بی حل ایلہ مدیکی تقدیرہ درسعادتنہ بولنن پستپوسلر  
و کلیسا واعظ و پاپاسلر ایلہ ایکنجیلرینی و اقتضا ایتدیکی حالہ درسعادت  
قربندہ واقع سنجاقلردہ مقیم مرخصہ لری جلب و دعوت ایلہ مجلس  
عمومی روحانی تشکیل ایدر و بومجلس دخی مسئلہ مذکورہ نکل حلتی دائرہ  
اقتداری خارچندہ عد ایتدیکی حالہ بر ممضی مضبطہ ایلہ عمومی فتوغیکوس  
طرفنہ مراجعت اولنور

اوتوزنجی مادہ مجلس روحانیک ہر نوع مضبطہ لری دأما اعضا  
مجلس اکثریت سنک امضاسیلہ ممضی اولہ جقدر

اوتوز برنجی مادہ کرک درسعادت و کرک طشرارہ واعظ تعیینی ایچون  
اقتضا ایدن رخصت مجلس مذکور طرفندن اعطا اولنور و پاپاس مادہ سنہ  
درسعادت ایچون ایسہ کذلک مجلس مذکور دن و طشرارہ زدہ قننی محل  
ایچون ایسہ اولمحلک روحانی مجلسی طرفندن رخصت و بر بلور

اوتوز ایکنجی مادہ بر کلیسا جمعیتی ایلہ پاپاسلری مجددا پاپاس تعیینہ لزوم  
کورودہ مجلس روحانیدن بر قطعہ ممضی مضبطہ ایلہ اسندا ایتدیکہ  
اولباہدہ رخصت و برلز



اوتوزاوجنجي ماده در سعادت كليسانك واعظايريله باش ياپاسلاري مجلس روحاينك قراري اوزرينه بطريق طرفندن تعيين اولنورل

اوتوزدرديجى ماده مجلس روحاينده هر كونه انتخاب خصوصى رآى خنى ايله اجرا اولنور

اوتوزبشنجى ماده اهل كليسانك خدمات مذهبيه رينك مجانا ايفا اولنه بيلسى ايجون احوال حاضرولريك اصلاحى ايله احوال مستقبليه رينك تامينه دائر

مجلس روحانى طرفندن برقطعه نظامنامه تنظيم قلنه جقدر

( مجلس جسمائى به دائر در )

اوتوزالتنجى ماده مجلس جسمائى عوامدن اوله رقى مصالح مليه ونظامات دولت عليه به واقف بكرى ذواتدن مر كبر

اوتوزيدنجى ماده مجلس جسمائىك اعضاسى رآى خنى واكثرىت مطلقه آرا ايله ملت مجلس عمومىسنده بالانتخاب مضبوطه سى بطريق طرفندن

باب عالى به تقديم اولنورل باراده سنيسه نصب وتعيين اولنورل

اوتوزسكزنجى ماده هرايكى سنه ده بر كره اعضاء مر قومه نك جمله سى شهر نيسانك غايننده طاغىلوب شهر مابىس ابتداسنده تجديدا اولنورل اعضاى مر قومه

ايكى سنه صكره تكرار انتخاب اولنه بيلورل وانفصال ابتدئى ايلك ايكى سنه ده مجلس مذكور اعضائنه انتخاب اولنورل مابىس ركونه خدمته استخدا

اولنه بيلورل

اوتوزطقوزنجى ماده مجلس مذكور اعضاسندن برى تحريرا برسبب كافى بيان ايتكسزىن بر برينى متعاقبا اوچ كره مجلسه كلديكى حالده سببى سؤال

اولنق اوزره مجلس مذكور قلى ضابطى طرفندن مكنوب يازيلوب جواب آلمديغى تقديره يكيدين مكنوب تحريريله مجلس آينده حاضر بولنورل رايسه

كندوسنه استعفا ايتش كى نظر اولنه جنى بيلد بريابوب نه كلديكى تقديره استعفا ايتش عدا اولنور

قرقنجى ماده مجلس جسمائى اعضاسندن استعفا وقوعنه ويا خود سائر برسپيه مبنى مفقود اولنورل ك عددى اوچه بالغ اولدقده بونورل ك برينه مجلس

عموميه آخرلى اعضا انتخاب اولنورل وبوانتخاب وقوعبولنجيه دكين مجلس مذكورده تكمىلا اعضاى مجلسك اكثرينى ارايلور

قرق برنجی ماده مجلس جسمائیک مأمورینی ملثک امور جسمائیه سنه نظارت ایتمکدن عبارتدر ووظائفی ملثک اصلاح احوالیله ایلرولسنه اهتمام ودقت ایدوب زبرنظارتنده بولنان قومیسونلر طرفندن کندوسنه ارآه اولنوب ملئجه منفعتی موجب اوله جق اولان نصورتی کمال دقتله مطالعه وتحقیق ایله لزومی تبین ایتدیکی حالده تصدیق ایتمک ویاخود دفعه چیقار لمسنه مانع اوله جق محاذیرینک دفعنه جالشقی خصوصلرندن عبارتدر

قرق ایکنجی ماده مجلس مذکور کندوسنه وارد اولان مصالحی مذاکره اولتیق اوزره عائد اولدیغی قومیسونیه احاله ایدوب انک رأینی تحصیل ایتمکجه اجرا آهه نشبث ایدمز وقومیسونلرک قرارینی اسباب صحیحجه به منی جرح ایده بلور ایسه ده کندولکندن اوله قق بر بشقه جه تدبیر ایتناسا و اجرا ایده میوب کیفیتینه اول قومیسونیه حواله ایتمکجه مجبوردر وقومیسونلردن برینی اشبو نظامنامه اساسی احکامنه معایر برحرکنده کورمدیکجه تبدیل وتغییر ایدمز و برینک بوبله برحرکنتی مشاهده ایتدکجه ایلاک دفعه سنده وقوع حالی مذکور قومیسون رئیسندن استیضاح وایکنجی دفعه سنده تحریرا اجرای اخطارات ایله اول قومیسونیه محافظه نظامه دعوت و اوچنجی دفعه سنده اعضاسنی تبدیل ایدوب انجق بوبایده اولان سبیلرینی مجلس عمومی به ابراز ایده جکنی مضبوطه سنیده ده بیان ونصیریح ایدر

قرق اوچنجی ماده مجلس مذکور امور جسمائیه دن اوله قق کندوسنه وارد اولان بر مسئله مهمه نك حلتی دأره اقتداری خارچنده عدایدن ایسه اولخالده مجلس عمومی به مراجعت ایدر

( مجلس جسمائی طرفندن تشکیل اولان قومیسونلرایله )

( مدیرکلر حقنددر )

قرق دردنجی ماده معارف و تأسیسات جزئیه ومحاکات ومناسرتز مصالحنه باقی اوزره درت قومیسون ایله دیگر اوچ اداره قومیسونیه مجلس جسمائی طرفندن انتخاب اولنوب اشبو قومیسون اعضاری هر سنه باشنده نصفیت اوزره تبدیل وتجدید اولتیق اوزره ایکی سنه خدمت ایدرلر محاکمه قومیسونیه رئیسیه بطریق اولور

( معارف قومیسونی بیانده در )

قرق بشنجی ماده معارف قومیسونی عوامدن وارباب معارفدن اولهرق  
یدی اعضادن مرکب اولوب وظیفه سی ارمنی ملتک تعلیم و تربیه سنه  
نظارت و ملت مکتبلرینک بر صورت منظمده بولمنسه دقت وارکاک و قیز  
چو جقملرینک تعلیم و تربیه سی ضمیمه تشکیل ایدن شرکشلره اجرای تشویقات  
و معاونت و مکتب خواجهلرینک اصلاح احوالنه و اقتدارلری ایله اهل وارباب  
خواجدهلر ینشدیرلنسه و مکاتب مذکوریه مخصوص درس کابلری تدارک  
اولمنسه اقدام و غیرت ایتک خصوصلرندن عبارتدر و بومکتبلرده تحصیل  
فنون ایدنلره شهادتنامه اعطاسی و درس کابلرینک تعیینی و امتحان  
سنولری خصوصلری قومیسون معرفتیه اجرا اولنور فقط تعلیم مذهب  
ایدنلرک مجلس روحانیدن شهادتنامه آللری و مذهب کابلری ایله معلری  
حقیقه مجلس مذکوریه مراجعت اولنسی، اقتضایدر و تعلیم مذهب امتحانی  
دخی مجلس روحانی معرفتیه اجرا فلنور

( تأسیسات قومیسونی بیانده در )

قرق النجی ماده تأسیسات قومیسونی عوامدن وارباب و قوفدن اولوب  
مجلس جسمانیده اکثریت آرا ایله انتخاب اولنقی اوزره یدی اعضادن مرکبدر  
قومیسون مذکورک وظیفه مأموریتی در سعادتده واقع کافه تأسیسات ملیه  
و بونلرک عقاراتی اداره سنه عموماً نظارت ایتک و تأسیسات مذکورهنک  
تنظیم و ترتیبه دقت و اقدام ایتک خصوصلرندن عبارتدر قومیسون  
مذکور بابلجه املاک ملیه سندانک موجود اولسنه دقت ایده جک و ملتک  
کرک در سعادتده و کرک طشرلرده کائن کافه اموال غیر منقوله سنک سنداتی  
صورتلری بوقومیسون معرفتیه طولانیلهرق بطریق خانه قلنده حفظ  
اولنه جقدر و بوقومیسونک معرفتی و مجلس جسمانینک موافقتی ایله بطریقک  
بالتمبهر موافقتی اولدجه املاک ملیه نیک بیع و فروختی جائز اوله بیه جقدر  
خصوصات مشروحه اقتضاسیجه تولیت اصولی ارمنی ملتجه منفسخدر  
بوقومیسونک معرفتی و مجلس جسمانینک رضاسی اولدجه در سعادت و حوالیسنده  
برکونه انشآت و تعمیرات اجرا اولنه من قومیسون مذکور محاسبه و وصیت  
و خسته خانه مدرلریله کلیسا جمعیتلرینک اداره سی حقیقه اجرای نظارت  
ایده جک و بونلرک هر برندن اوقات معینه ده حساب ایستیه رک مجلس جسمانی به

﴿ تبلیغ ﴾

تبلیغ ایلدجکدر قومیسون مذکور سنه باشندن ایکی آی مقدم سنه آتیه واردات و مصارفنی محاسبه مدیرلندن تحقیق و برقطعه موازنه دفتری تنظیمه مجلس جسمانی به اراز ایلدجکدر

( محاکمه قومیسونی بیاننده در )

فرق بدنجی ماده محاکمه قومیسونی اعضاسی درت نفری اهل کلیسادن و دردی عوامدن اولوق و بطریق وکیلک تحت ریاستنده بولنقی اوزره فرق یاشنی تکمیل ایتمش و متأهل سکرئفر ارباب و قوفندن مرکب اولوب بونلرک جله سی مجلس مختلط طرفندن اکثریت آرایله انتخاب اولتور بوقومیسون فاملیاجه ظهوره کلان منازعاتی نسویه و باب عالیدن بطریق خاتمه حواله اولتان دعواری حواله اوزرینه رؤیت ایلر و کسدیره مدیکی دعواری مواد روحانیه دن ایسه مجلس روحانی به و مواد دنیویه دن ایسه مجلس جسمانی به و ایکی طرفه دخی تعلق وار ایسه مجلس مختلطه حواله سنی کوسترر و مذکور قومیسونده رؤیت اولتان بر دعوی محکوم علیهک استدعاسی اوزرینه بومجلسلردن برنده استینافی اولتور

( مناستر قومیسونی بیاننده در )

فرق سکرنجی ماده مناستر ملتک اموال مخصوصه سندن معدود اولوب بونلرک اداره سی و واردات و مصارفاتک نظارتی ایله رؤیت و تحقیقی حقوقی ملت عائددر هر مناسترک کند و اصول مخصوصه سی اولوق لازم کلدیکندن روحانی و جسمانی مجلسلرینک اجتماعله تشکل ایدن مجلس مختلط هر بر مناستر جماعتله مناستر قومیسونک افکارینی بعد التحصیل ایجاب ایدن تعلیماتی ترتیب ایدر و مجلس عمومی به تصدیق ابتدیرر تعلیمات مذکورک اصول اساسیه سی بوجه آتی بان اولتور اولاهر بر مناسترک اداره مخصوصه سی اول مناستر جماعتنه عائد اولوب بالجله مناستر عموماً نظارت ایتک حتی مناستر قومیسونی معرفتله اجرا اولنوق اوزره بطریق خاتمه مجلسلرینه راجعدر ثابا هر بر مناستر رئیس اول مناسترک جماعتی طرفندن انتخاب اولنوب بطریق خانه مجلسلرینک برلشمسی ایله تشکل ایدن مجلس مختلطک موافقتی ایله بطریق طرفندن تصدیق اولنوب رئیس مومی الیهک تبعه دولت علیه دن اوله رق اوتوزبش یاشنی تکمیل ایتمش ره باندن اولمسی لازمدر ثالثاً بالجله مناستر ملتک ترویج منافع معنویه سنه چالشمغه مجبور

اوله جقلردن هر بری نرجه قدرته كوره پاپاس مكنتی و كنجانه و طبخانه  
 و خسته خانه مثللو ملجه منفعتی موجب اوله جق تاسیساتی شامل اوله جقدر  
 مناسترل قومیسونی مجلس جسمانیده اکثریت آرایله انتخاب اولنق اوزره  
 یدی نفردن هر كیدر قومیسون مذكورك وظیفه خدمتی هر مناستر نظاماتك  
 اجرای احكامنه دقت و نظارت ایتك اوزره واردات و حاصلاتی تحقیق ایله  
 مصارف واقعه سنی رویت و تنظیم ایتك خصوصندن عبارتدر قومیسون  
 مذكوره هر بر مناسترلك اداره مخصوصه سی خدمتی ایفا ایتك اوزره اقتضاییدن  
 اشخاصی اول مناستر جماعتی ایچندن انتخاب ایدر و اشخاص هر قومه مناستر  
 رئیسك تحت ریاستنده اوله رق مناسترلینی تعلیمات مخصوصه یه تطبیقا  
 اداره ایله اوقات معینه ده قومیسون مذكوره حساب و پررل  
 ( محاسبه اداره سی قومیسوننه دأر )

قرق طفوزنجی ماده محاسبه مدیری ارباب و قوفدن اوله رق یدی کشیدن  
 عبارت اولوب مجلس جسمانیده اکثریت آرایله انتخاب اولنورل بونلرك خدمتی  
 ملت صندیغنی اداره و محاسباتنی رویت ایتكدر اشبو صندیغك اربادی اعانه  
 عمومیه و استانبول بطریق خانه قلی حاصلاتی و محل صرفی تخصیص  
 اولنیه رق ملت نامه و قوعبولان وصیت و هدایادن و مصرفی دخنی بطریقخانه  
 ایله بطریق خانه قلیك مصارف عادیه سی و بطریق خانه نك زیر اداره سنده  
 بولنان تاسیسات ملیه یه و محتاج اولان کلیسا جماعتلرینه اعطا اولنله جق  
 اعانه ایله سائر و قوعبوله جق مصارف منفرقه دن عبارتدر مدیران هر قومه  
 تاسیسات قومیسونك معرفتی و مجلس جسمانینگ موافقتی ایله كافه واردات  
 مذكوره بی تحصیل و مصارف مذكوره بی تسویه ایدر و اداره سی كندولرینه  
 محول اولان ملت صندیغك محاسبه سنی اصول جدیده اوزره طوته رق  
 برقطعه دفترینی اوقات معینه ده تاسیسات قومیسوننه ابراز ایدرلر اشبو دفتر  
 قومیسون مذكوره بالعاینه تصدیق اولنلقدنصكره مجاس جسمانی یه ابراز  
 اولنور

( وصیت اداره سی قومیسوننه دأر )

اللهی ماده وصیت مدیری اوچی اهل کلیسادن و دردی عوامدن اولق  
 اوزره یدی کشیدن هر كب اولوب بونلرك جمله سی اکثریت آرایله مجلس  
 مختلطده انتخاب اولنور مدیران هر قومه نك وظیفه خدمتاری ملجه واقع  
 اولان وصیتلری اداره و احكام مندرجه لرینك صورت مشروعه ده و موصلینك

نیت و تصمیمات مطابق وجهله اجرایه قونلسنه دقت ایتمک خصوصاً لرندن عبارتدر وصیت اداره سنه دأر افتضا ایدن تعلیمات مخصوصه مدیران مرقومه نك و تأسیسات قومیسونك رأی تحصیل اولنه رقی مجلس مختلط طرفندن ترتیب و مجلس عمومیده تصدیق اولنه جقدر مدیران مرقومه كندو خدمت لرینه دأر اولان محاسبانك برقطعه دفترینی اوقات معینه ده تأسیسات قومیسوننه اراز ایدرل واشبو دفتر قومیسون مذکور طرفندن بالمعاینه تصدیق اولندقدن صکره جسمانی مجلسنه اراز قلنور

( خسته خانه ادارسی قومیسوننه دأر )

الی برنجی ماده خسته خانه مدیری ایکیسی طبابت رؤسنی حامل اطبادن اولوق اوزره طقوز کشیدن مرکب اولوب اکثریت آرا ایله مجلس جسمانیده انتخاب اولنورلر مدیران مرقومه نك وظیفه سی کرک ملت خسته خانه سنك عقارات و واردات مخصوصه سنه نظارت ایدوب بونترک حاصلاتی و ملت صندیقنك اعانه سی ایله خسته خانه مذکور ای اداره ایتمکدر اشبو خسته خانه درت دأر یه تقسیم اولنوب بری فقرادن اولان خسته ره و دیگری اختیار و علمانده اولان فقرا یه اوچنجیسی مجاینه و دردیجیسی تعلیم و تربیه ایتمه تخصیص اولنه جق و بوابینه نك اصول طیه و صحیه به تطبیقا انشا و اداره سنه اعتا قلنه جقدر مدیران مرقومه خسته خانه مذکورک ادارسی خصوصنده تأسیسات قومیسونی طرفندن و تعلیم و تربیه ماده سنجه معارف قومیسونی طرفندن مسؤل اولوب معاملات واقعه سنی اشبو قومیسونلره اوقات معینه ده ارأه ایدر

( کلیسا جمعیتلری بیاندده در )

الی ایکی ماده کلیسا جمعیتلری محله کوره لاقول بش ونهایت اوز ایکی اعضادن مرکب اولوب مأموریتلری منسوب اولدقلری جماعتك مصالح ملیه سنی رؤیت و اول جماعت کلیسا و مکتبی اداره ایتمک و فقراسنی قارمق و جماعته ظهوره کلان منازعاتی تحقیق ایله اصلاح ذات البین ایتمک و اول جماعت کلیسا سنك تربیتی و قروارکک چوجقلره مخصوص مکتبلرا حداننه سعی و اقدام ایتمک و جماعت مذکوره نك محتاج اولان فاملیلرینه اجرای معاونت ایتمک خصوصاً لرندن عبارتدر

الی اوچنجی ماده هر جماعتك كندو کلیسا جمعیتك تحت نظارتنده بولمق اوزره برصندیقی اولوب بو صندیقك ایرادی جماعته اعطا اولنان اعانه

مخصوصه وکلیسا و مکتب عقاراتنک وارداتی و کلیساتنک حاصلاتی و وصیت طریق ایله و یا خود سائر وجهله واقع اولان عطایا و سائرهدن و مصارفی مذکور کلیسا و مکتبناک مصارفیله فقرا به اعطا اولنه جق اعانه اچمه سندن عبارتدر هر کلیسا جمعیتی بولندیغی جاعتده تولد و وفات و تأهل ایدن نفوسی صورت منتظمده برقطعه دفتره قیدایده جکدر

اللی دردیجی ماده مذکور جمعیتناک ایضای خدمتاری ضمنده طوغریدن طوغری به ذکر اولنان قومیسونلر ایله مناسبتلری اوله جقندن مکتبلر حقنده معارف قومیسوننه و ادارهجه مواد حقنده تأسیسات قومیسوننه و مواد دعاوی حقنده محاکمه قومیسوننه مراجعت ایرومذکور قومیسونلرک هر برینه عاقد اولان حاصلاتی اول قومیسوننه اوقات معینه ده ارا نه ایلر

اللی بشهبی ماده هر کلیسا جمعیتی منسوب اولدیغی کلیسا جاعتی طرفندن انتخاب اولنور یکریمی بش یا شنی تکمیل ایش اولویده التمش یدنجی ماده اقتضاسیجه محاکمهجه حق انتخابدن محروم اولیان کافه افرادک کلیسا جمعیتی انتخابنده مشارکته صلاحیتی وارد

اللی التنجی ماده کلیسا جمعیتلرینک وظائف و حرکاتنی تجدید و تعیین ضمنده لازم کلان تعلیمات روحانی و جسمانی مجلسلری معرفتیه تنظیم اولنه جقدر کلیسا جمعیتلری اعضاسی درت سنه اجرای خدمت ایدوب بشهبی سنه ابتداسنده یکیدن انتخاب اولنه بئک اوزره تجدید اولنورلر ( مجلس عمومینک صورت تشکیل ووظائفی بیاتنده در )

اللی یدنجی ماده مجلس عمومی بوز قرق اعضادن هر کبدر اعضای هر قومه اوج قسم اولوب برنجی قسمی اولهرق برسبی که یکریمی نفری استابولده بولنان اهل کلیسا طرفندن انتخاب اولنان اهل کلیسا ایکنجی قسمی اولهرق ایکی سببی اولان قرق نفری که طشرهردن کله جک ملت وکیللر یدر اوچنجی قسمی اولهرق درت سببی یعنی سکسان نفری درسعادت کلیسا جاعتلری طرفلرندن انتخاب اولنان وکیللر یدر

اللی سکرینجی ماده روحانی و جسمانی مجلسلرینک اعضاسی مجلس عمومی به داخل اولوب فقط مجلس عمومی اعضاغنه انتخاب اولنه مامشدر ایسه مجلس مذکورده صاحب رأی اوله مبه جقدردر

اللی طقوزنجی ماده مجلس عومینک اکثر اعضاسی یعنی لاقل یتش بر نغری  
حاضر اولدجه عقد مجلس اولنه من

التمشیجی ماده در سعادت بطریق وقانونیقوسی مثللو ملنک باشلی  
مستخدملرینی وروحانی وجسمانی مجلسلرک اعضاسنی انتخاب ایتک وبو مجلسلرک  
معاملاتنه نظارت ایتک وانلره محول اولوبده کندولرینک کسدره مدکلری  
مصالح ظهورنده حل وتسویه ایتک واشبو نظامنامه بی خللدن محافظه  
ایتک مجلس عومینک وظائفنددر

التمش برنجی ماده مجلس عومی اولا من القدم اوله کلدیکی مثلوه رایکی  
سنده بر کره شهر نیسان اوخرنده اجتماع ایدوب مرور ایدن ایکی سنه طرفنده  
وقوعبولان اداره امورک مضبطه سنی استماع ایله مخصوص اولان همورلی  
معرفتیله تحصیل و صرف اولنمش اولان مبالغک محاسبه عومیه سنی رؤیت  
وتفتیش ایدر و ملت مجلسلرینک کافه اعضاسنی مجددا انتخاب ایلر و سنین اعانه  
ملیه سنک صورت اداره سنه قرار ویرروایکی ما، ختامنده قانور مجلس عومینک  
اشبوان عقادنده مذکور ایکی مجلس اعضاسی مجلس عومی اعضاسی بولندقلری حالده  
هر بر مسئله ده مباحثه ایده یلوب فقط اعانه و انتخاب ماده لرندن ماعداسنده رأی  
ویره منزل ثانیاً مجلس مذکور قاتولیقوسی انتخابنه داخل اولق ثالثاً  
در سعادت و قدس شریف بطریق لرینی انتخاب ایتک رابعاً مذکور  
ایکی مجلس بیننده یاخود مجلسلر ایله بطریق بیننده تگون ایدن اختلاف  
دفع او لنق اوزره جمع اولنور بوتقدیرجه طرفین مخالفین بیان حال  
ایده بیلورلر ایسه ده رأی ویردمنزل خامسا نظامنامه اساسینک یکیدن تصحیحی  
لازم کلدکده و مجلس عومینک رأی وقرارینه منوط بر مسئله ظهورنده  
عقد اولنور شو قدرکه بویله فوق العاده اجتماعک وقوعندن اول سبب  
تجمع بطریق خانه طرفندن باب عالی به افاده اولنورق استحصال رخصت  
اولنور

التمش ایکنجی ماده مجلس عومی بی بطریق مجلس روحانی ایله جسمانیدن  
برینک موافقتی ایله یاخود مجلس عومی اعضاسندن اکثری سنک  
استدعاسی ایله عقد ایدر انجق بند سابقده بیان اولندیغی اوزره بومثلوه  
فوق العاده اجتماع بهر حال سببیک بیایله دولجه رخصته منوطدر



( مجلاس عمومیك اعضاى روحانیستك شرائط )

( انتخابیه سی بیانده در )

التمش اوچنجی ماده استانبولده بولنان بالجمله اهل کلیسا در سعادت ارمی بطریق دعوتی اوزربنه نیسان آخرنده برحمله طوپلانیلوب طشره مأموریتی اولنیان و اوتوز یاشنی تکمیل ایتش اولان وبش سنه مقدم پاپاسلی و راهبلك رتبه سنی احراز ایدن وبرکونه دعوی آلتنده بولنیسان پستپوسلردن و یاخوذ پاپاس و یاراهلردن اکثریت آرای مطلقه ورأی خفی ایله مجلاس عمومی ایچون اعضا انتخاب ایده جکلردر

التمش دردنجی ماده آنفا بیان اولنان اعضاى روحانیستك مدت مأموریتی اون سنه اولوب بهر ایکی سنه ده برخسی تبدیل و تجدید اولنه جقلردر وایلك سگزسنه بوخسك تفریق و اخراجی قرعه ایله اجرا قلنه جقدر و كرك بویله قرعه ایله و كرك سگزنجی سنه دن صكره اكمل مدت ایله چیقان اعضانك تکرار انتخابی جائز اوله جقدر

( مجلاس عمومیك عوامدن اولان اعضا ستك شرائط )

( انتخابیه سی بیانده در )

التمش بشنجی ماده امانه ملیه ایله قابلیت ذاتیه حق انتخابه اساس طوبیلوز امانه ملیه حق انتخابه ناایلیتی موجب اولوق ایچون امانه عمومیه اوله رق لاقول سنوی یتش بش غروش امانه وبرلملیدر انتخابه قابلیت ذاتیه سی اولنلر دولك افلامنده وسائر مأموریتلرنده بولنانلر و دو قنورلر و کتب نافعہ تألیف ایتش اولنلر و مکتب معلمریله ملنجه آثار نافعہ وجوده کتورمش اولنلردن عبارتدر

التمش التنجی ماده لاقول یکریمی بش یاشنی تکمیل ایدنلر حق انتخابه نائل اولوب انجق تبعه دولت علیه دن اولوق شرطدر

التمش یدنجی ماده حق انتخابدن محاکمه جه محروم اولنلردرت صنفدر صنف اول برجنایتدن طولابی جزا قانوننامه همایونی احکامنجه حقوق مدنیه دن مؤبدا ساقط اولنلردر صنف ثانی مصالح ملیه اداره سنده حیلہ سی تبیین ایدوبده مصالح مذکورده قوللاناملری ملت مجلسلردن بریستك طرفندن حکم اولنش اولنلردر صنف ثالث محاکم دولت علیه ده حققلرنده مجازات نادیبیه ترتب ایدوبده هنوز مدت جزایی ختام بولمامش اولنلردر

﴿ رابعاً ﴾

را با تبحر جهتله حقوق شخصیه دن ساقط اولوب كاملا شفا بولدقلى  
فطامجه تصدیق اولمش اولیانلردر

التمش سكرنجی ماده تبعه دولت علیه دن اوتوز یاشنی تكمیل ایتش اولوب  
فطامات دولت علیه ومصالح ملیه به واقف وآشنا اولان والتمش یدنجی ماده  
موجبجه حقوق انتخابیه دن محروم اولیان كافه افراد ملك انتخاب اولمشی  
جأزدر فقط درسعادت کلیسا جاعتلری طرفندن انتخاب اولنه جق سگسان  
اعضائك لا اقل بدیسك اصحاب رتبه دن بولملری شرطدر

( كرك درسعادت محلانندن وكرك طشره لردن مجلس عمومی ایچون )

( بالانتخاب تعیین اولنه جق اعضائك صورت انتخابی بیاننده در )

التمش طقوزنجی ماده درسعادت کلیسا جاعتلردن وطشره لردن انتخابی  
لازم کلان وکیللك مقدارینك توزیعنی حاوی بردفتر مخصوص تنظیم اولنق  
اوزره بهرسته ماه شباطك ابتداسنده روحانی وجسمانی مجلسار یله قومیسون  
قلم ضابطلریك اجتماعیه شکل ایدن مجلس مختلط معرفتیه بطریق خانه  
قلنده موجود اولان نفوس دفتر عمومیسنه تطبیقا طشره لرده مرخصه لق  
غلبه لکنه درسعادتده هر محله ده موجود اولان منتخبلك عددینه کوره  
هر یرده بمقدار اعضا انتخاب اولنه جق ایسه بطریق طرفندن محللرینه اعلان  
کیفیت اولنه جقدر انتخاب اولنان اعضائك مدت مأموریتلری اون سنه  
اوله جقدر وهر ایکی سنه كرك طشره لردن وكرك درسعادتدن انتخاب  
اولنان ملت وکیللریك برخی تبدیل ونجدید اولنوب بوخسك محل انتخابی  
تعیینده محله ومرخصه لقلریلینده هر ایکی سنه ده برکوره مناوبه اصولی اجرا  
اولنه جقدر وایلك سکر سنه سنه امر مبادله قرعه ایله تعیین واجرا  
قلنه جقدر شول شرطله که بر محله ده منتخب ویر مرخصه لقلده نفوس  
چونالاش باخود ازالمش ایسه موجودلریك عددینه باقیلوب انتخاب اولنه جق  
اعضائك مقداری ا کا کوره تعیین ایدیه جقدر وفات یا استعفا ایدنلرك برینه  
اعضا انتخابی خصوصی دخی هرسته باشندن ایکی آی اول اجرا اولنه جقدر  
ودرسعادت محلانندن آنه جق اعضا کلیسا جاعتلرند و طشره لردن ارسال  
اولنه جق اعضا مرخصه لقلرده بولنان مجلس عمومیلرده انتخاب قلنه جقدر

تمشیحی ماده كرك درسعادتمه و كرك طشره زده انتخابی مطلوب اولان و كیلارك كندولرینی انتخاب ایدن کلیسا جماعتندن و مرخصه اوق دأره سندن اولوب اولاملرنده برأس اولیوب شو قدر كه درسعادتمه بولمئری و مذکور جماعتلك ملتجه مصالحنه واقف و انتخاب ایدن لر عنندنه حب ملت و عفت و استقامت لری جهتیله مرعی و معتبر بولمئری لازمه دندر بو و كیلار مجلس عمومده كندولرینی انتخاب ائتمش اولان درسعادتمه و یا خود طشره جماعتلرینك و كیلاری عد اولنمئوب چله سی رخصت متساویه بی حاز اعضای مجلس عمومی اعتبار اولنورلر

ئتمش برنجی ماده درسعادتمن انتخابی لازم كلان و كیلارك عددی ایله كرك انتخاب ائتمكه و كرك انتخاب اولمغه صلاحیتینی مستلزم اولان شرائطی هر ایکنجی سنه شباط آئنده عشر اعضایی انتخاب ایدمك جماعتلره بطریق طرفندن بیان و اعلان اولنوب بونك اوزرینه و كیلار کلیسا جمعیتلری معرفتیله انتخاب اولنور فقط کلیساك واعظی و اولدیغی حالده باش پاپاس ریسی اولوب محلك متبراندن دخی اوج كشین الی كشی به قدر کلیسا جمعیتنه علاوه اولنور بوجعیتلر كندو جماعتلری ایچنده حق انتخابه نائل اولوب اولیانلری تحقیق ایله حروف هجارتیدی اوزره بر دفترینی تنظیم و سكرتور میدانه قالمق اوزره کلیسا جمعیتی او طه سنه تعلیق ایدرلر و انتخاب ایدنلره وسیله سهولت اولوق اوزره مطلوب اولان و كیلار عددینك اوج مثلانی حاوی بر قطعه دفتر یا یلوب کلیسا جمعیتی او طه سنه تعلیق اولنور فقط انتخاب ایدنلر دفتر مذکور مطابقته قطعاً مجبور دكلدر طشره زده مجلس عمومی اعضایی انتخابی خصوصی دخی بومثال اوزره اجرا اولنور

ئتمش ایکنجی ماده حق انتخابه نائل اولنلرك اسامیسی دفتری میدانه قونلدقن بر هفته صكره کلیساده صباح عبادتی ختام پذیر اولدیغی كی کلیسا جمعیتی او طه سنه رأی اعطاسنه بزوجه آتی بدأ اولنور کلیسا جمعیتی ریسی دفتر مذکور ایله هر قی انتخابه حتی اولنلری صره سیله چاغروب انلر دخی دفتر مذکورده اسملرینك او كونه وضع امضا ائتمك كند صكره اقتضا ایدن مقدار مبعوثان اسامیسی بر كاغد اوزرینه یوقارودن اشاغی به صره ایله یازوب هر بر شخصك اسمی او كونه لقب و سمت و صنعتی اشارت و اول كاغدی دوروب مخصوصاً تدارك اولتان صندوقیه الفایدرلر و كندولری برسینه منی مجلس ﴿ او طه ﴾

اوطه سنه کله منزل ایسه رأی ویردکاری کسانک اسامینسی برقطعه  
 ممضی مکتوب ایله ارسال ایدرلر  
 یتیش اوچنجی ماده رأی اعطاسی خفیاً اجرا اولنق لازم کلدیکندن رأی ویرنلر  
 یازدقاری اسملری آخری کوره مامک اوزره مخفیجه نحر یایدرلر

یتیش دردنجی ماده رأی اعطاسی بدأ اولندیغی کون تکمیل اولنق اقتضا  
 ایلدیکی جهنتله رأی ویرمکه حتی اولوبده امتناع ایدنلرک مؤخرادعوابه  
 قالمشغنه صلاحیتی اوله من  
 یتیش بشنجی ماده هجج برکسنه ایکی کلیسا جماعتده رأی اعطا ایده من

یتیش انجی ماده انتخابجه برلشدیرلش اولان کلیسا جماعتلری وقضالر  
 یکدیگری قریبده واقع ایسه ایکی طرفدن انتخابه صلاحیتی اولنلر بریره  
 کلدیرک اعطای رأی ایدرلر و مذکور جماعت وقضالر آره سنده مسافه بعیده  
 اولدیغی حالده هربری آروجه رأی ویروب بعده ایکی طرفه رأیلری  
 برلشدیر یلور

یتیش دینجی ماده رأی اعطاسی رسیده ختام اولدوقده اولکون  
 تعطیل اولنیه رقی رأی کاغذلرینی شامل اولان صندوقه کلیسا جمعیتی  
 مواجهه سنده کشاد اولنورق تعیین اولنان مقتضالر رأی کاغذلرینی تعداد ایدرلر  
 کاغذلرک عددی رأی ویرن اشخاصک عددینه توافقی اتمیوبده جمعیجه حیلله  
 وقوعنده اشتباهه دوشیله جک اولور ایسه ابرنسی بازار کونندن اول یکیدن  
 رأی ویرنلرک اوزره بشقه برکون تعیین اولنوب انتخابه مطلوب اولان عدد  
 قدر وکیللر بردفعنده اکل اولنور ایسه مقدار باقیسی حقنده رأی اعطاسی  
 کذلک بوم آخره تعلیق اولنور

یتیش سکزنجی ماده انتخاب ایدنلرک بری رأی کاغذلرکده عدد معیندن  
 زیاده اسم یازمش اولور ایسه اول عددی تجاوز ایدن اسملر مقبول طوتلنر واسمیلر  
 یوقارودن اشاغی به صره ایله یازلش اولیلان رأی کاغذلری دخی ملقا  
 ومنفسخ عدد اولنور

یتیش طقوزنجی ماده رأی ویرنلرک نصف عددیندن زیاده اوله رقی حقندنه

الك چوق رأى اصابت ايدلمبعوث انتخاب اولمش اولورل وايكى كشي به مساوات اوزره رأى اصابت ايتديكى حالده الك باشلوسى انتخاب قلمش اولور

سكسانجى ماده اكر ايلك دفعه رأى ويرلدكده اكثر ت آرا حاصل اولمز ايسه حققرنده الك چوق رأى اصابت ايدن ايكي كسنه نك اسملى اعلان اولنوب ايكنجى دفعه ده اول كسنه لر حقنده نظاما رأى ويريلور  
سكسان برنجى ماده كليسا جمعيتلى منتخب اولان وكيلارك اسم ولقب وسمت وصنعى وكافه احوال انتخابانى حاوى بطريقه خطابا برقطعه مضبطه تنظيم وتقديم ايلر بطريق طرفندن دخى مجلس جسمانى به ابراز اولتور اشبو مضبطه لر مجلس مذكوره معايه اولندقدن وانتخاب اولنلرك صفات مطلوبه يى جامع اولوب اولدقلى تحقيق قلندقدن صكره ملت وكيلارينك نظاما انتخاب اولدقلى ويريوم معينده مجلس عمومى تشكيلى ضمنده اجتماع ايدم چكلى بطريق طرفندن كندولر بنه رسمايان اولتور

سكسان ايكنجى ماده مجلس عمومى ايلك انعقادنده بروجه محرر مجلس جسماننده معايه اولنان مضبطه لرى بالاستماع انتخابات واقعه يى ملت وكيلارينك رخصت واقدار لر بنى تصديق ايتدكده نظاما تشكىل ايتش اولور درساعات جماعتلى اوكيلارى اكثر ت اوزره انتخاب اولدقلى وطشمره وكيلارينك انتخابى بيدر يى استخبار قلمقده اولديغى حالده طشمره انتخابى ختامنه بلكلميه رك مجلس عمومى عقد اولنه يلور

سكسان اوچنجى ماده بر كسنه بر قاچ جماعت ويا خود بر قاچ ايلنده انتخاب اولنديغى حالده قنغيسنك وكالتنى قبول ايتديكىني بيانده مختار اولور فقط امتناع ايدر ايسه جماعت ويا ايلتور حقنده مجلس عموميه قرعه كشيده سيلاه قرار ويريلور

سكسان درنجى ماده مجلس عمومى اعضاسنك اساميسى دفترى حروف هجائرتيى اوزره تنظيم ومجلس محلنده تعليق اولنهرقى وفات واستعفارى مثالو وقوعبولان احوال اسملى اوكونه اشارت قلنور وهر ايكي سنه ده تجديده اولتور واعضاسنك لى الانفصال تكرر انتخابى جائزدر

( مجلس وقومیسبونلر حقنده بعض مواد غومیه بیاننده در )  
 سکسان بشنجی ماده هر مجلس وقومیسبونک برقلی وهر قلمک برضابطی  
 وکاتبی و بعض قلمدره ضابط وکاتیک بر وکیلاری اولوب بونلرک کافه سی  
 اعضادن اولوق شرطدر و بونلر بهر سنه تبدیل و تجدید اولنورلر

سکسان النجی ماده مجلسک اکثر اعضاسی مفقود اولدیغی حالده مجلس کساد  
 اولنه مز

سکسان یدنجی ماده لایقوله مذاکره اولنوب حاضر بولنان اعضانک افکاری  
 اکلاشلد قدن صکره اول ماده حقنده آرای مجلسه مراجعت اولندرق اکثریت  
 ایله قرار وریلور و رأیلر مساوات اوزره منقسم اولدیغی حالده اکثر رئیس  
 مجلس حاضر ایسه رئیسک واکر حاضر بولنمز ایسه قلم ضابطنک بولندیغی  
 طرف ترجیح اولنور

سکسان سکرینجی ماده مختلط مجلسلرده تذکر اولنان ماده قرار ویرلک  
 ایچون ایکی مجلسک آبرو اعطای رأی ایتملری لازم کلوب کیفیت ایکی مجلسده  
 دخی اکثریت آرا ایله برمر کزده قرار کیر اولدیغی حالده حل اولنش اولور و ایکی  
 مجلس قرارینک عدم موافقتی اختلاف رأی دیمک اوله جفتدن کیفیتک قراری  
 مجلس عمومی به براخیلور ایکی مجلسک اعضاسی اکثریت اوزره حاضر  
 بولندقلری حالده مجلس مختلط نظاما عقد اولنش صابیلر

سکسان طفوزنجی ماده مجلس عمومیک عهدندن لا اقل التی کون اول  
 بطریق خانه طرفندن اعضای مجلسه دعوتنامه لر ارسال اولنه جقدر

( اعانه ملیه بیاننده در )

طقساننجی ماده حد بلوغه واصل اولوب کار وکسب صاحبی بولنان  
 کافه افراد ملت مصارف ملیه تسویه سنده مشارکنه مجبور در و بو اعانه سنوی  
 اعطا اولنوب امر توزیعنه قدرت ذاتیه اساس طوبیلور

طقسان برنجی ماده اعانه ملیه ایکی نوعدر نوع اول اعانه عمومیه در که مصارف  
 عمومیه به منحصر اولدرق ملت صندیغی ایچون بطریق خانه معرفتله تحصیل  
 اولنور و نوع ثانی اعانه مخصوصه در که هر برجاعتک مصارف مخصوصه سنه

مختصر اوله رق کلیسا جامعتی صندوقلری ایچون کلیسا مجلسلری معرفتیه  
اخذواستیفای اولنور

طقسان ایکنجی ماده در سعادتده اعانه عمومیه نك صورت توزیم و تحصیلی  
مجلس جسمانیده تخصیص و مجلس عمومیده تصدیق قلوب اعانه  
مخصوصه دخی کلیسا جمعیتلری طرفندن تعیین اولنور و طشره زده هر بر  
مرخصه لقی جامعتهك اعانه عمومیه و هر کلیسا جماعتك اعانه مخصوصه سیدخی  
بروجه مشروح تنظیم قلوب

طقسان اوچنجی ماده بطریق خانه صندیغی ایچون طشره لردن اخذی  
معناد اولان مبالغك مرخصه لقلره توزیعنی و اصول تحصیلیه سی حقیقه  
مجلس عمومیه نك قراری اوزرینه انخاذا اولنه حق تدبیر باب عالی دن بالاستیدان  
اجرا قلنه جقدر

(مرخصه لقلره دائر در)

طقسان در دنجی ماده مرخصه لکنده و مرخصه لقلری دائره سی داخلنده  
عقد اولان ملت مجلسلری نك ریاستنی و قوه اجرائیه سنی حائز در وظیفه لری  
اشبونظامنامه اساسیه نك اجرای احکامنه نظارت ایلیکن عبارتدر

طقسان بشنجی ماده مرخصه ل مناسبه زده اقامت ایده میوب مرخصه لقلری  
مرکزنده مرخصه لقی مجلسلری نك عقد و اجتماع ابتدیه کی قونا فلرده اقامت  
ایده نك و محل خدمت لرندن تباعد ایتملری جائز اولیه جقدر فقط بر مرخصه نك  
مناستر رئیس لرندن بولندیغی تقدیرده مناستر نك محل اقامت سندن یا لکن  
برکونلک مسافده واقعه ایسه مناسترینی وقت وقت معاينه ایتمک اوزره ایکی  
خدمتنی دخی بر لکنده اجرا ایده یلوب مناستری برکونلک بولدن زیاده مسافده  
ایسه یرینه بروکیل تعیین ایله کندوسنك محل خدمتنده اقامت ایتمی لازم کاور  
فقط لدی الايجاب مرخصه لقی داخلنده بولنان هر بر محله کیده یلور

طقسان النجی ماده در سعادتده اولدیغی کی طشره زده دخی هر کلیسا  
جماعتك بر کلیسا جمعیتی و بر صندیغی و برده قلمی اولدیغی مثالو مرخصه لقی  
مرکزنده دخی بر مجلس روحانی و بر مجلس جسمانی و بر مجلس جسمانیده  
نحت اداره سنده اولقی اوزره بر صندیغی اوله جقدر و هر مرخصه قونا غنده

برقم اولوب مرخصه لقی داخلنده بولنان کلیسا جاعلری نفوس دفترینی جمع ایله تجریر نفوس ایله جقدر

طقسان یدنجی ماده مرخصه انتخابی لازم کادکده بطریق انتخابنه قیاسا مرخصه لقی داخلنده کی مجلس عمومیده بالانتخاب مضبوطه سی محلی مجلس مختلطی واسطه سیله بطریقه تقدیم اولنوب اودخی درساعات مجلس مختلطنک موافقتی ایله اولوجهله انتخاب اولنان ذاتی مرخصه تعیین ایدرک باب عالی به عرض ایله اوامر رسمیه سنی استحصالی ایدر

طقسان سکونجی ماده برمنوال سابق مرخصه لقاقرده بولنان مجلسلردرساعات مجلسلرینک اساسی اوزره تشکیل اولنوب ووظیفه لری دخی اومنوال اوزره اولوب فقط مذکورطشره مجلسلری اعضاسنک محل وموقعلرینک مقدار نفوسنه کوره یالکن بردفعه تعیین اولنه جقدردر ونظاما اعانه ملیه تأسیس اولنجیه دکن طشردرده برمنوال سابق عقداولنه جق مجلس عمومی اعضاسنی انتخابه حتی اولنلر برنجی وایکنجی واونجی مرتبه ده دولته ویرکو ویرنلردن عبارت اوله جقدر وبومجلسلرک صورت تشکیلی بطریق خانه طرفندن مرخصه لرایله بالاستشاره دائره لرینک مقدار نفوسنه کوره قرارلشدیریله جقدر

( خاتمه )

طقسان طقوزنجی ماده اشبو نظامنامه نک اساسنه طقونلقسزین بعضی تفرعاتنک بالتجربه تعدیلنه لزوم کورندیکی تقدیرجه تاریخ تأسیسندن بش سنه صکره مجلس عمومیده روحانی وجسمانی مجلسلری اعضاسندن اوچر وسالف الذکر درت قومیسونلردن ایکیشر وبولنلردن ماعدا مجلس عمومی اعضاسندن ویاخود خارجدن اوله رق دیگر اتی کسنه لرکه جمعا یکرمی اعضا انتخابیله برقومیسون تشکیل اولنهرق لزومی کورینان تعدیلات بوقومیسونده قرارلشدیریلوب مجلس عمومیده تصدیق اولندقدن صکره باب عالی دن لدی الاستیذان صادر اوله جق اراده سنیه اوزره ایجابی اجرا قلنه جقدر